



# SIARAN MEDIA

## KEMENTERIAN BELIA DAN SUKAN



KBS : 70/2024

### YAB TIMBALAN PERDANA MENTERI SEMPURNAKAN PERASMIAN SAMBUTAN HARI SUKAN NEGARA PERINGKAT NEGERI PERLIS TAHUN 2024

1. YAB Timbalan Perdana Menteri, YAB Dato' Sri Haji Fadillah Yusof hadir merasmikan **Majlis Sambutan Hari Sukan Negara Peringkat Negeri Perlis Tahun 2024** bertempat di **Kompleks Sukan Tuanku Syed Putra**, hari ini.
2. YAB Timbalan Perdana Menteri telah diiringi oleh **Menteri Besar Perlis, YAB Tuan Mohd Shukri Ramli** dan **Ketua Pengarah Majlis Sukan Negara (MSN), YBrs. Tuan Haji Abdul Rashid Yaakub** serta **Pengarah Jabatan Belia dan Sukan Negeri Perlis, YBrs. Encik Musa Salim**.
3. Hari Sukan Negara (HSN) merupakan **sambutan nasional yang diadakan secara tahunan** sejak tahun 2015. HSN dijadualkan **pada setiap Sabtu minggu kedua bulan Oktober** dengan hasrat **membudayakan dan merakyatkan sukan** dalam kalangan masyarakat menerusi amalan gaya hidup cergas dan aktif.
4. Objektif penganjuran HSN adalah seperti berikut:
  - 4.1 mempromosi **gaya hidup aktif dan cergas** menerusi aktiviti sukan, rekreasi dan seumpamanya;
  - 4.2 meningkatkan **penglibatan rakyat** dalam aktiviti sukan dan rekreasi seterusnya **memperkukuhkan pembudayaan sukan** dalam kalangan masyarakat;
  - 4.3 memperkukuhkan **semangat perpaduan** dan **integrasi nasional** menerusi aktiviti sukan dan rekreasi; dan
  - 4.4 menyuntik sinergi **pembangunan sosioekonomi** menerusi **penerokaan industri sukan dan rekreasi** seterusnya memberikan **impak positif** kepada ekonomi negara dan kesejahteraan rakyat.

5. Dengan mengetengahkan tema **#CergasBersama**, KBS menerusi Jabatan Belia dan Sukan Negara (JBSN) telah menganjurkan pelbagai program dan aktiviti sukan dan rekreasi selaras dengan kerangka **Malaysia MADANI** dan **Visi Sukan Negara 2030 (VSN 2030)**. Aktiviti sukan dan rekreasi ini dianjurkan di seluruh negara merangkumi **peringkat daerah, negeri dan kebangsaan** dengan sasaran penyertaan keseluruhan seramai **4.5 juta orang**.
6. Bagaimanapun, penganjuran sambutan HSN Peringkat Negeri dan Bahagian di negeri Sarawak **diselaraskan semula ke 19 Oktober 2024 (Sabtu)** bagi menghormati Sambutan Ulang Tahun Kelahiran TYT Yang di-Pertua Negeri Sarawak. Senarai lokasi di peringkat negeri seperti di **LAMPIRAN A**.
7. Bagi peringkat negeri Perlis, **pelbagai aktiviti dan acara sukan dan rekreasi telah berlangsung** antaranya larian ria, berjalan santai, aktiviti kecergasan, pameran jabatan/ agensi kerajaan dan swasta/ NGO serta banyak lagi.
8. Walaupun HSN disambut sekali setahun, kerajaan berharap agar masyarakat sentiasa **mengamalkan gaya hidup aktif dan cergas** sepanjang tahun seterusnya menyokong hasrat di dalam menjadikan Malaysia sebagai sebuah "Negara Bersukan".
9. Sekiranya orang ramai atau mana-mana pihak **memerlukan maklumat** atau **mempunyai pertanyaan** mengenai penganjuran HSN, sila hubungi Sekretariat HSN di talian **03-8871 3183/ 3242** atau e-mel [hsn@kbs.gov.my](mailto:hsn@kbs.gov.my). Selain itu, maklumat dan info berkaitan HSN juga boleh diakses menerusi portal **harisukannegara.my**.

**UNIT KOMUNIKASI KORPORAT  
KEMENTERIAN BELIA DAN SUKAN**

**12 Oktober 2024**



# SENARAI LOKASI SAMBUTAN HSN 2024

 <b>KEBANGSAAN</b> <b>DATARAN PUTRAJAYA, PRESINT 3</b> 12 OKTOBER 2024   7.00 PAGI	 <b>SELANGOR</b> <b>DATARAN KEMERDEKAAN, SHAH ALAM</b> 12 OKTOBER 2024   7.00 PAGI	 <b>PERLIS</b> <b>KOMPLEKS SUKAN TUANKU SYED PUTRA, KANGAR</b> 12 OKTOBER 2024   8.00 PAGI
 <b>KEDAH</b> <b>TAPAK KONVO UUM KAMPUS SINTOK</b> 12 OKTOBER 2024   7.00 PAGI	 <b>PULAU PINANG</b> <b>PADANG DATO' HAJI AHMAD BADAWI, BUTTERWORTH</b> 12 OKTOBER 2024   7.00 PAGI	 <b>PERAK</b> <b>KOMPLEKS BELIA &amp; SUKAN NEGERI PERAK, IPOH</b> 12 OKTOBER 2024   7.30 PAGI
 <b>NEGERI SEMBILAN</b> <b>D'TEMPAT COUNTRY CLUB, BANDAR SRI SENDAYAN</b> 12 OKTOBER 2024   7.30 PAGI	 <b>MELAKA</b> <b>MEMORIAL PENGISYTIHARAN KEMERDEKAAN, BANDA HILIR</b> 12 OKTOBER 2024   8.00 MALAM	 <b>JOHOR</b> <b>TUNKU MAHKOTA ISMAIL YOUTH CENTRE (TMIYC) MUAR</b> 12 OKTOBER 2024   5.30 PETANG
 <b>KELANTAN</b> <b>AEON MALL KOTA BHARU</b> 12 OKTOBER 2024   8.00 PAGI	 <b>TERENGGANU</b> <b>KOMPLEKS SUKAN NEGERI TERENGGANU, KUALA NERUS</b> 12 OKTOBER 2024   7.30 PAGI	 <b>PAHANG</b> <b>TAMAN TASIK RAUB</b> 12 OKTOBER 2024   7.00 PAGI
 <b>SABAH</b> <b>KOMPLEKS SUKAN KENINGAU</b> 12 OKTOBER 2024   7.00 PAGI	 <b>LABUAN</b> <b>KOMPLEKS SUKAN LAUT ANTARABANGSA LABUAN</b> 12 OKTOBER 2024   6.00 PAGI	 <b>SARAWAK</b> <b>KOMPLEKS SUKAN SARIKEI</b> 19 OKTOBER 2024   7.30 PAGI

- \* Sambutan Peringkat WP Kuala Lumpur diadakan bersekali dengan peringkat kebangsaan di Dataran Putrajaya
- \* Tertakluk kepada perubahan dan pindaan dari semasa ke semasa



#CergasBersama #HSN

[www.harisukannegara.my](http://www.harisukannegara.my)



[kbsmalaysia/](https://www.facebook.com/kbsmalaysia/) [jbsnegara](https://www.instagram.com/kbsmalaysia/)

